

Broj: 02-~~837~~-1/24

Datum: 29.05.2024.

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH", broj 35/04), čl. 21. stav (1) tačka c), čl. 64. stav (1) tačka a) i člana 70. st. (1), (2), (3) i (6) Zakona o javnim nabavkama ("Službeni glasnik BiH", br. 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", br. 103/14 i 49/23) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", br. 89/16, 84/18 i 34/23), a na Preporuku Komisije za nabavku iz Zapisnika o ocjeni ponuda za "Nabavka usluge nadogradnje softvera elektronski dispečerski dnevnik" broj: T-NOSBIH-P-05/24, generalni direktor donosi:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za nabavke iz Zapisnika o ocjeni ponuda za "Nabavka usluge nadogradnje softvera elektronski dispečerski dnevnik" broj: T-NOSBIH-P-05/24, te se ugovor dodjeljuje u pregovaračkom postupku bez objave obavještenja o nabavci za "Nabavka usluge nadogradnje softvera elektronski dispečerski dnevnik" broj: T-NOSBIH-P-05/24, ponuđaču **UNIS TELEKOM d.d. Mostar**, kao najpovoljnijem ponuđaču po ukupnoj cijeni od **110.000,00 KM** bez uključenog PDV-a.

Član 2.

Ova Odluka će se objaviti na web stranici NOSBiH-a u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Član 3.

Ova odluka stupa na snagu danom donošenja.

Obrazloženje

Nezavisni operator sistema u Bosni i Hercegovini (u daljem tekstu: Ugovorni organ) je na Portalu javnih nabavki, 16.04.2024. godine objavio Tendersku dokumentaciju za fazu pretkvalifikacije u pregovaračkom postupku bez objave obavještenja za "Nabavka usluge nadogradnje softvera elektronski dispečerski dnevnik" broj: T-NOSBIH-P-05/24 u okviru koje su u skladu sa članom 28. stav (2) Zakona unaprijed utvrđeni uslovi za kvalifikaciju. Ponuđač Unis Telekom d.d. Mostar je u roku zadanom u okviru tenderske dokumentacije na protokol Ugovornog organa blagovremeno dostavio kvalifikacionu dokumentaciju.

Komisija za nabavke je utvrdila da je ponuđač Unis Telekom d.d. Mostar ispunio sve kvalifikacione uslove utvrđene u tenderskoj dokumentaciji i s tim u vezi, u skladu sa članom 28. stav (2) Zakona, navedenom ponuđaču je omogućeno učestvovanje u daljem toku predmetnog postupka javne nabavke.

Ugovorni organ je na portalu javnih nabavki objavio Tendersku dokumentaciju za fazu dostave početne ponude. Ponuđač je u zadanom roku na protkol Ugovornog organa dostavio svoju početnu ponudu i u skladu sa članom 28. stav (6) Zakona stečen je osnov za pregovaranje. Pregovori sa ponuđačem su obavljeni u roku navedenom u tenderskoj dokumentaciji o čemu je sačinjen Zapisnik kojeg su potpisale obje strane nakon okončanih pregovora.

Nakon dostavljanja početne ponude i obavljenih pregovora u vezi tehničkih, pravnih i ekonomskih aspekata ugovora sa ponuđačem Unis Telekom d.d. Mostar, Ugovorni organ je na portalu javnih nabavki objavio Tendersku dokumentaciju za fazu dostave konačne ponude.

Ponuđač Unis Telekom d.d. Mostar je na adresu Ugovornog organa dostavio svoju konačnu ponudu u ukupnom iznosu od 110.000,00 KM. S obzirom na sve navedeno odlučeno je kao u članu 1. ove Odluke.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke

Generalni direktor

dr. Nemanja Pandurević



Dostaviti :

- Ponuđaču UNIS TELEKOM d.d. Mostar
- Sektor za ekonomske poslove
- Sektor za pravne poslove
- a/a